

**TEKS UCAPAN YANG BERHORMAT TUAN SOON LIP CHEE
EXCO BELIA DAN SUKAN NEGERI PULAU PINANG**

**SESI LIBAT URUS
ANTARA AHLI MAJLIS MESYUARAT KERAJAAN NEGERI (EXCO)
BERSAMA AHLI DEWAN UNDANGAN NEGERI (ADUN)**

29 MAC 2021 (ISNIN)

Yang Amat Berhormat Tuan Chow Kon Yeow
Ketua Menteri Pulau Pinang

Yang Berhormat Ahli-Ahli Majlis Mesyuarat Kerajaan Negeri (EXCO)

Yang Berhormat Ahli-Ahli Dewan Undangan Negeri (ADUN)

Setiausaha Bahagian

Ketua-Ketua Jabatan

Wakil-wakil Agensi MMK Belia dan Sukan NGO,

YBhg. Dato'-Dato', Tuan-Tuan dan Puan-Puan Hadirin yang Dihormati
Sekalian.

Selamat pagi dan salam sejahtera.

Terlebih dahulu, saya ingin merakamkan setinggi-tinggi penghargaan
kepada Yang Amat Berhormat Tuan Chow Kon Yeow, Ketua Menteri

Pulau Pinang kerana menyediakan peluang dan kesempatan ini untuk kita bersama-sama pada hari ni dan juga esok sempena Sesi Libat Urus EXCO dan ADUN sesi tahun 2021.

Saya percaya dengan adanya peluang sesi libat urus ini, dapatlah kita saling menyimpul balik tali kerjasama sesama kita dalam memartabatkan kesejahteraan dan mengemaskini kebertanggungjawapan kita demi kemaslahatan rakyat Pulau Pinang secara umumnya.

Manakala, secara khususnya, berdirinya saya di sini adalah untuk mewakili suara golongan belia dan tulang belakang sektor sukan di Pulau Pinang dalam memberi serba sedikit pencerahan mengenai fokus utama dan gerak kerja saya selaku EXCO MMK Belia dan MMK Sukan Negeri Pulau Pinang.

Sesi libat urus EXCO dan ADUN ini adalah reformasi kesinambungan sidang DUN yang kita sedia maklum dibuat mengikut pasca norma baharu akibat penularan wabak COVID 19.

Kita masih dalam perjuangan melawan musuh yang zahirnya tidak nampak secara kasar, tetapi secara halus ia merenggut keberlangsungan setiap inci aktiviti program dan usaha kerajaan Pulau Pinang dalam menyantuni rakyat.

Hadirin yang dihormati sekalian,

Untuk makluman semua hadirin dan hadirat, MMK Belia dan Sukan sudah tidak menjadi entiti yang bersekali tetapi sudah dibahagikan kepada dua (2) portfolio yang berbeza iaitu MMK Belia dan MMK Sukan.

Di mana saya memutuskan untuk membahagikan Jawatankuasa MMK Belia dan Sukan kepada Jawatankuasa MMK Belia dan MMK Sukan mulai tahun 2021.

Matlamat masih sama tetapi pemfokusan ini lebih bersasar dalam berbakti kepada para belia dan penggiat sektor sukan di Negeri Pulau Pinang.

Baiklah, izinkan saya membicarakan tentang dua (2) entiti ini bagi menjelaskan lebih lanjut satu per satu supaya para hadirin lebih jelas tentang perjalanan portfolio belia dan portfolio sukan.

Hadirin yang dihormati sekalian,

BELIA 2020/2021

1. Mengikut statistik yang dikeluarkan Jabatan Perangkaan Malaysia, di negeri Pulau Pinang, golongan belia berusia 15 tahun sehingga 30 tahun adalah merangkumi sebanyak 26.5% tetapi peranan belia tidak wajar diketepikan kerana sekiranya golongan belia diambil enteng, proses pembinaan warganegara yang berkualiti akan menjadi pincang dan mencacatkan potensi untuk sesebuah negara berkembang maju.
2. Inisiatif “Belia Untuk Masa Depan” telah dilancarkan oleh Kerajaan Negeri Pulau Pinang di bawah MMK Belia dan Sukan Negeri Pulau Pinang pada 27 Februari 2019 yang diselia penuh oleh Perbadanan Pembangunan Belia Pulau Pinang (PYDC) untuk menggerakkan pembangunan golongan belia negeri Pulau Pinang.

3. Pada tahun 2020, krisis kesihatan awam penularan wabak pandemik Covid-19 telah melumpuhkan ekonomi dunia dan mengubah cara hidup secara total. Dalam konteks ini, sektor ekonomi digital telah menjadi pemangkin kepada pertumbuhan ekonomi di negeri Pulau Pinang.
4. Selain ekonomi digital, ekonomi gig dijangka akan terus berkembang dengan lebih pesat pada masa yang akan datang bukan sahaja di Malaysia tetapi juga di peringkat global. Bank Negara Malaysia telah menyatakan jualan kasar global daripada ekonomi gig dijangka akan meningkat dari USD 200 bilion ke USD 455 bilion menjelang tahun 2023.
5. Meneliti potensi-potensi yang terselah dalam ekonomi digital dan ekonomi gig, melalui inisiatif “Belia Untuk Masa Depan”, dari segi pembangunan ekonomi dalam kalangan belia, Kerajaan Negeri Pulau Pinang menerusi PYDC adalah komited untuk memperkasakan golongan belia di negeri ini dalam ekonomi digital dan gig dengan menekankan **pembangunan kemahiran berlandaskan aspek ekonomi digital dan gig.**
6. **Penang Young Digital Talent** yang dilancarkan oleh PYDC secara berfasa adalah bertujuan untuk memacu ekonomi digital dan gig dalam kalangan belia negeri Pulau Pinang. Program yang membantu melatih semula kemahiran (*reskilling*) dan menambahbaikkan kemahiran (*upskilling*) ini turut merangkumi Kursus *Key Opinion Leader (KOL)*, *E-Commerce*, *Digital Marketing* dan *Web Design*. Melalui kursus-kursus ini, ia akan membantu melengkapkan anak-

anak muda dengan kemahiran-kemahiran yang relevan dengan pasaran terkini.

7. Untuk suku pertama tahun 2021, sebanyak **102** orang belia tempatan telah mengambil bahagian dalam program tersebut; manakala sebanyak **133** orang belia tempatan telah berdaftar untuk program ini pada suku kedua tahun 2021. Mereka yang menyertai program ini turut boleh mengambil bahagian dalam *Apprenticeship* yang ditawarkan dalam program ini.
8. Di samping itu, PYDC juga telah menjalankan **Bengkel Pemantapan Kerjaya** bagi memperkasakan lagi golongan belia dengan kemahiran-kemahiran digital. Bengkel berasaskan kemahiran dan pengetahuan yang telah dijalankan adalah seperti Bengkel *Digital Business & E-Commerce*, Bengkel *Empowering Youth Through Digital Economy*, Bengkel *IR 4.0 Awareness Workshop*, Bengkel *Penulisan Isi Kandungan & Penyiaran Langsung*, Bengkel *LiveNOW KOL Training*, Bengkel *E-Dagang*, Bengkel *Python Programming Essentials*, Bengkel *Basic Graphic Design Skills* dan sebagainya.
9. Secara ringkasnya, Kerajaan Negeri melalui PYDC telah menerapkan konsep **Kerjasama Awam Swasta** ataupun **Public Private Partnership (PPP)** untuk menjayakan Program Penang Young Digital Talent. Dengan itu, kemahiran-kemahiran berasaskan digital yang sepadan dengan keperluan pasaran terkini seperti *Web Development*, *Digital Marketing*, *Content Writing*, *Graphic Design* dan sebagainya.

Hadirin-hadirin yang dihormati,

10. Kerajaan Negeri menerusi PYDC juga adalah komited untuk meningkatkan prospek peluang pekerjaan untuk menyelesaikan **masalah pengangguran**.
11. Untuk meningkatkan prospek peluang pekerjaan dalam kalangan belia negeri Pulau Pinang, Kerajaan Negeri menerusi PYDC telah melancarkan portal kerjaya bertemakan "**We Want You**" pada bulan Jun 2020 yang membolehkan golongan belia di negeri Pulau Pinang untuk mencari pekerjaan yang diiklankan oleh syarikat dan majikan di negeri Pulau Pinang. Bukan itu sahaja, melalui platform ini, syarikat-syarikat tempatan juga boleh menawarkan peluang pekerjaan yang bersifat *internship* dan *freelancing*.
12. Setakat ini, portal "We Want You" telah merekodkan sebanyak **348** buah syarikat yang menawarkan sejumlah **413** jawatan kekosongan. Di samping itu, sebanyak **559** jumlah permohonan kerja telah dilakukan.
13. Untuk melatih semula kemahiran (reskilling) dan menambahbaikkan kemahiran (upskilling) supaya kekal relevan dengan keperluan pasaran terkini melalui PYDC juga akan terus bekerjasama dengan syarikat-syarikat MNC ataupun SME dari pelbagai industri untuk membangunkan program latihan / kursus upskilling atau reskilling sebagai satu wadah untuk terus memperkasakan golongan belia agar mereka dilengkapi dengan kemahiran-kemahiran yang relevan dengan era Revolusi Perindustrian Keempat (IR 4.0).

14. PYDC juga telah menganjurkan program **Youth Entrepreneurship Challenge 2020**. Sebanyak **64** orang belia tempatan (19 pasukan) telah mengambil bahagian dalam program tersebut dan mereka berpeluang untuk mendapatkan nasihat oleh tokoh-tokoh pemain industri tempatan.
15. Sehubungan dengan itu, PYDC juga terus berusaha untuk memperkasakan dan memupuk lebih ramai usahawan belia tempatan dengan Youth Entrepreneurship Challenge 2021 yang bakal dilancar pada April 2021 dengan kerjasama bersama **Persatuan Pedagang dan Pengusaha Melayu Pulau Pinang (PERDASAMA)**, **Bahagian Belia Dewan Perniagaan Tionghua Pulau Pinang (PCCC YES)** dan **Dewan Perniagaan dan Perindustrian Kaum India Malaysia (MICCI)**. Dalam pada itu, PYDC telah mensasarkan sebanyak **120** peserta untuk YEC 2021.
16. PYDC juga akan meneruskan untuk melancarkan program **Youth Entrepreneurship Challenge (YEC) 2021** dan penyertaan pertandingan ini adalah terbuka kepada semua belia yang berumur dari 17 hingga 35 tahun yang berasal ataupun bermastautin di negeri Pulau Pinang.

Hadirin-hadirin sekalian,

17. Untuk makluman Ahli-Ahli Yang Berhormat, selain dari segi ekonomi, pihak Kerajaan Negeri Pulau Pinang juga menitikberatkan pembangunan sosial dalam kalangan belia negeri ini. Bagi merealisasikan hasrat ini, pihak Kerajaan Negeri melalui MMK Belia dan Sukan Negeri Pulau Pinang bersama PYDC telah merancang untuk mewujudkan **40 Pusat Belia di Negeri Pulau Pinang dimana**

satu (1) Pusat Belia akan diwujudkan di setiap KADUN negeri Pulau Pinang.

18. Majlis Perasmian Pusat Belia Penaga akan diadakan pada 11 April 2021 manakala Pusat Belia Penanti dijangka akan dibuka majlis perasmiannya pada bulan Mei 2021.

Hadirin yang dihormati sekalian,

SUKAN 2020/2021

1. Selaras dengan hasrat dan matlamat visi Penang 2030, Kerajaan Negeri dalam peringkat perancangan **“Penang Sports Master Plan”** yang bertujuan untuk menjadikan Pulau Pinang sebagai kuasa sukan atau *“powerhouse”* yang melibatkan tiga (3) indikator ini iaitu Pembangunan Atlet & Sukan Berprestasi Tinggi, Pembangunan Sukan Massa atau lebih dikenali sebagai sukan komuniti dan juga Pembangunan Kemudahan atau Fasiliti Sukan.
2. Dengan itu, Kerajaan Negeri kini berada di peringkat kajian, di mana satu kajian **“Indeks Sukan Pulau Pinang”** telah dilancarkan pada 1 Januari 2021 dengan kerjasama pihak Penang Institute untuk memberikan peluang kepada rakyat negeri Pulau Pinang untuk menyuarakan pandangan berkaitan fasiliti sukan di Kawasan kejranaan masing-masing.
3. Untuk pengetahuan hadirin sekalian, soal selidik ini telah dilancarkan bermula daripada 1 Januari 2021 sehingga 15 April 2021 bagi mengumpul dan menganalisis data-data keperluan dan kegemaran

aktiviti sukan semua golongan lapisan masyarakat di negeri Pulau Pinang.

4. Melalui kajian tersebut, maklumat seperti pengalaman orang awam bagi penggunaan fasiliti sukan sedia ada, data berkaitan kegemaran aktiviti sukan bagi setiap golongan masyarakat, data kemudahan sukan yang diperlukan oleh masyarakat serta kemudahan sukan yang perlu dinaiktaraf akan dikumpul dan dianalisis.
5. MMK Sukan dengan kerjasama *Penang Geographic Information System* atau **PEGIS**, kami telah dapat menghasilkan *database* yang lebih tepat berkenaan bilangan fasiliti sukan di Negeri Pulau Pinang dengan respon data yang diperolehi dari Jabatan Belia dan Sukan Negeri Pulau Pinang, Pejabat Daerah dan Tanah, Pihak Berkuasa Tempatan iaitu MBPP dan MBSP, Majlis Sukan Negeri Pulau Pinang dan juga Perbadanan Stadium dan Kawasan Lapang Pulau Pinang.
6. Mengikut hasil pemetaan PEGIS berikut, sebanyak 46 jenis kemudahan sukan yang disenaraikan. Orang awam dapat mengakses dan mendapat maklumat mengenai perkembangan sukan di Negeri Pulau Pinang melalui laman sesawang Laman **Web Rasmi Kerajaan Negeri Pulau Pinang** iaitu dengan tab baru "SUKAN".
7. Untuk tahun 2021, kegunaan P.01 Butiran 59 Pembangunan Sukan (Gelanggang Sukan) telah ditukarkan kepada "**Naiktaraf Gelanggang Sukan Awam**" supaya kerja-kerja penaiktarafan atau pembinaan baru gelanggang sukan dapat dilaksanakan. Sehingga

kini, sebanyak sebelas (11) permohonan telah diproses di empat (4) daerah.

8. Selain itu, MMK Sukan juga tidak meminggirkan keperluan dalam membuat pembekalan Peralatan Sukan Kepada Sekolah.

Hadirin yang dihormati sekalian,

9. MMK Sukan melalui Majlis Sukan Negeri Pulau Pinang (MSNPP) secara rasminya pada 1 Ogos 2020 juga telah melancarkan inisiatif baru iaitu **Penang Athlete Career Education (PACE)**. Program PACE ini meliputi tiga (3) teras utama:

- i) Menyediakan platform Pendidikan untuk memberi peluang kepada atlet-atlet melanjutkan pelajaran ke menara gading tanpa mengetepikan karier sukan;
- ii) Membina peluang dan laluan kerjaya kepada atlet untuk diserap ke dalam sektor pekerjaan awam dan swasta; dan
- iii) Memastikan kewujudan mekanisme yang memelihara kebajikan semua atlet negeri setiap masa.

10. Untuk merealisasikan program ini, MSNPP telah mewujudkan "Tabung Sukan Negeri Untuk Majlis Sukan Negeri Pulau Pinang (TSNMSNPP)".

11. MMK Belia dan Sukan Negeri Pulau Pinang telah menerima permohonan daripada persatuan-persatuan sukan negeri agar aktiviti snuker, *billiard*, *dart* dan boling dapat diberikan **pengecualian lesen dan duti hiburan** di kawasan MBPP dan MBSP memandangkan aktiviti-aktiviti tersebut adalah dikategorikan sebagai aktiviti sukan.

12. Sehubungan dengan itu, hasilnya adalah kami berjaya mendapatkan status pengecualian Lesen Hiburan dan Duti Hiburan ke atas Aktiviti Tenpin Boling Di Negeri Pulau Pinang pada 17 Disember 2020. Pengecualian lesen dan duti hiburan tersebut adalah tertakluk kepada pematuhan garis panduan oleh pengusaha perniagaan boling.
13. Majlis Sukan Negeri Pulau Pinang telah ditugaskan untuk menyelia dan memantau tahap pematuhan tersebut dengan rujukan kepada Pihak Berkuasa Tempatan. Pihak Polis Diraja Malaysia (PDRM) dan PBT juga akan masih meneruskan pemantauan dan penguatkuasaan ke atas premis tenpin boling di bawah bidang kuasa masing-masing.
14. Untuk makluman para hadirin sekalian, kerajaan Negeri Pulau Pinang merupakan kerajaan negeri yang pertama yang telah meluluskan pengecualian lesen dan duti hiburan bagi aktiviti boling di Malaysia.
15. Kerajaan Negeri mengambil maklum mengenai pemisahan sepenuhnya Kelab Bolasepak Pulau Pinang (PFC) daripada Persatuan Bolasepak Pulau Pinang (FAP). Lanjutan itu, Penang FC Sdn. Bhd. telah didaftarkan di bawah Suruhanjaya Syarikat Malaysia (SSM) pada 21 September 2020 dan ia seharusnya beroperasi secara lebih berdikari dan bertanggungjawab dalam memajukan pasukan tanpa mengharapkan bantuan daripada Kerajaan Negeri.

16. Walau bagaimanapun, terdapat isu kepincangan kredibiliti terhadap syarikat swasta yang ingin mengambil alih Penang FC Sdn. Bhd.. Oleh itu, Kerajaan Negeri memutuskan supaya Penang FC Sdn. Bhd. diletakkan sebagai anak syarikat (GLC) di bawah Perbadanan Ketua Menteri Pulau Pinang (CMI). Kerajaan Negeri juga turut memutuskan bahawa peruntukan sebanyak RM 8 juta disalurkan kepada PFC untuk perbelanjaan mengurus bagi tahun 2021. Kini, pasukan PFC di bawah urus tadbir Penang FC Sdn. Bhd. dan sedang mengharungi saingan Liga Super Malaysia Musim 2021.

17. Walau bagaimanapun, terdapat isu kepincangan kredibiliti terhadap syarikat swasta (Metamorphosis Skills Sdn. Bhd.) yang ingin mengambil alih Penang FC Sdn. Bhd.. Oleh itu, Kerajaan Negeri memutuskan supaya Penang FC Sdn. Bhd. diletakkan sebagai anak syarikat (GLC) di bawah Perbadanan Ketua Menteri Pulau Pinang (CMI) dan dianggotai oleh:-

- i) EXCO MMK Belia dan Sukan - YB Soon Lip Chee (Pengerusi)
- ii) Pegawai Kewangan Negeri - YB Dato' Dr. Mohamad Farazi bin Johari (Ahli)
- iii) Penasihat Undang-Undang Negeri - YB Dato' Norazmi bin Mohd Narawi (Ahli)
- iv) Timbalan Setiausaha Kerajaan Negeri (Pembangunan) – Dato' Azhar bin Haji Arshad (Ahli)
- v) Timbalan Pengurus Besar CMI - Puan Barathi a/p Suppiah (Ahli)

18. Bagi menghargai sumbangan dan jasa YB Dato' Dr. Amar Pritpal Abdullah sebagai bekas Presiden FAP dan Lembaga Pengarah PFC SB terdahulu, beliau kini dilantik sebagai Pengarah Eksekutif PFC SB berkuatkuasa Februari 2021. Melalui beliau, kita telah berjaya

membuat rundingan semula dengan semua pemain dan pegawai PFC mengenai hal ehwal gaji dan hal ehwal kebajikan yang lain dan ianya telahpun diselesaikan.

19. Kerajaan Negeri juga turut memutuskan bahawa peruntukan sebanyak RM 8 juta disalurkan kepada PFC untuk perbelanjaan mengurus bagi tahun 2021.

20. Kini, pasukan Liga Super PFC yang terdiri daripada 27 pemain dan 3 penjaga gol sedang mengharungi saingan Liga Super Malaysia Musim 2021.

Sekian. Terima kasih.